

EDARAN SPRM 2022



#KELUARGA MALAYSIA

DISEDIAKAN OLEH :
BAHAGIAN KOMUNIKASI STRATEGIK, SPRM



MENGUKUHKAN JATI DIRI DALAM PEMBENTUKAN PEGAWAI SPRM YANG BERKETERAMPILAN TINGGI

KUALA LUMPUR, 23 Sept. – Pertemuan di antara Tan Sri Dato' Sri Haji Azam Baki, Ketua Pesuruhjaya SPRM dengan 60 peserta Kursus Asas Pegawai Suruhanjaya Pencegahan Rasuah Malaysia (SPRM) Siri 26. Bil. 1/2022 (Penolong Penguasa Gred P29) telah berlangsung di Akademi Pencegahan Rasuah Malaysia (MACA), hari ini.

Dalam pertemuan itu, Tan Sri Dato' Sri Haji Azam mengesa pegawai kadet agar memahami dengan jelas akan tujuan keberadaan mereka dalam latihan ini dan menjawat jawatan sekarang.

Dalam ucapannya, beliau berkata "Pegawai kadet yang sedang menjalani Latihan Asas pada ketika ini merupakan pelapis yang akan membawa tugas dan tanggungjawab yang besar dalam usaha mencapai visi SPRM untuk masa akan datang. Justeru, bina dan persiapkanlah diri anda daripada sekarang untuk menjadi "hero" dalam perjuangan SPRM".

Menurut beliau lagi, jangka masa latihan selama 6 bulan ini merupakan tempoh yang sangat penting. Justeru, beliau menyeru kepada pegawai kadet agar berusaha membina jati diri sebagai pegawai SPRM dengan mengukuhkan dan menguatkan daya ketahanan mental dan fizikal diri masing-masing.

Di samping itu, keterampilan dan sahsiah diri juga perlu diberi perhatian dan digilap agar membentuk imej pegawai SPRM yang profesional dan berimej positif.



Tan Sri Dato' Sri Haji Azam turut berkesempatan untuk menyampaikan Sijil Tamat Kursus Program Transformasi Minda kepada semua peserta.

Hadir sama dalam pertemuan tersebut ialah YBhg. Dato' Hj. Idris Zaharuddin, Pengarah Akademi Pencegahan Rasuah Malaysia (MACA).